

Carruur Caafimaad



Ciladaha

Dhallinta Oregon ayaa u baahan taageero iyo dhiiri gelin si ay ugu koraan uguna qaan gaaraan qaabab nolol caafimaad leh. Marka lagu daro guryo badqab, taageero leh, waxay u baahan dugsiyo siinaaya agab ku habboon, hagid iyo fursado ay ku helayaan nolol caafimaad leh. Dhallintu waxay u baahan yihiin macalimiin, barbaariyaal iyo bulsho leh dad waawayn oo taageeraaya kuwaasoo tusaale u ah asalkooda dhaqanka.

Dhammaan gobalka Oregon, ardayda Madoowga ah ayay u badan tahay in labo jibaar loo edbiyo sababo dabeeccad xumo awgood waxayna u badan tahay in labo jibaar in ka badan dadka kale laga cayriyo ama laga ganaaxo dugsiga. Habdhqannada khatarta ah waa in la badalaa laguna badalaa kuwo fiican. Cadaalada dhaqan celinta iyo dhex-dhexaadinta, halkii la raaci lahaa hanaanada edbinta ee caadada ahaa, ayaa kor u qaadi karta natijjooyinka dhalin yarada korna u qaadi karta tirada qalin jebisa.

Xalalka

Istaraatijiyado xal loogu helaayo eexda ka jirta dugsiga iyo kor loo qaado faya qabka jireed iyo kan maskaxeed ee ilmaha ayna ku jiraan:

- In lasoo afjaro cadaalad darada ka jirta dugsiga ee haysata carruurta dadka Madoowga ah, Dhaladka ah, dadka aan ahayn caddaanka iyo Hindida Maraykanka/Dhaladka Alaska (BIPOC-AI/AN) ciyo dhalin yarada

ayadoo la adeegsanaayo tababarka macalinka, dabagalka xogta iyo hubinta macalimiinta, maamuleyaasha iyo dugsiyada

- In la xaqiijiyo lana taageero dhammaan degmooyinka dugsiga si ay u dhaqan-gashaan waxbarashada caafimaadka balaaran ee fasallada K-12

Waxbarashada iyo bii'ooyinka wanaagsan ee dugsiga ayaa tiirar muhiim u ah hormarinta kobaca caafimaadka dhallaanka. Healthier Together Oregon (HTO) waxay doonaysaa inay bixiso adeegyada caafimaadka dhimirka oo ku habboon dhaqanka iyo luuqada, baxnaaninaaya dhibaatooyinka maskaxda, oo leh qaybo badan iyo taageerooyin dhammaan carruurta iyo qoysaska.

HTO waxay u taagan tahay kordhintaa adeegsiga cadaalada dhex-dhexaadinta iyo dhaqan celinta ku salaysan ee lagu sameeyo dugsiyada. Waxay muhiim u tahay xal u helida isir nacaybka nidaamka iyo baabi'inta cadaalad darada la xariirta dugsiga ee lagula kaco carruurta iyo dhalinta kasoo jeeda bulshooyinka BIPOC-AI/AN.

Si kobcin dheeraad ah loogu sameeyo caafimaadka iyo faya qabka carruurta Oregon, HTO ayaa doonaysa qaabab ay ku balaarinayso ayna ku kordinayso helitaanka baaritaannada caafimaadka kahortaga ah iyo caafimaadka afka ee dugsiyada.



HTO: Qorshaha Dhisida Oregon intaan Ka fiican

Healthier Together Oregon (HTO) waa farsamo awood badan oo lagu hormarinaayo sinaanta dhammaan dadka Oregon. Ayadoo COVID-19 uu wax badan kala cadeeyay, maaha in qof kasta helay fursad iskumid ah oo uu ku noolaado nolol caafimaad leh. Dadka aan cadaanka ahayn, dadka danyarta ah, dadka ktirsan bulshada LGBTQ+ (qaniisiinta), dadka soo galootiga ah iyo qaxootiyaasha, dadka naafada ah iyo dadka ku nool deegaannada miyiga ah ee gobalka ayaa waajahaaya caqabado badan sabab la xariirta cadaalad daro ka jirta qaab dhismeedka bulsho iyo midka dhisme taasoo saamayn ku leh caafimaadka.

Sababa la xariirta in caafimaadka iyo fayaqabku ku tiirsan yihiin arimo kaladuwani, HTO aaya dejisay taxaneyaal badan oo xeelado ah kuwaasoo, marka la xaliyo si guudna loo dhaqan gasho, hormarin muuqat ku samayn kara nolosha qof kasta oo gobalkaan dagan.

HTO waxay doonaysaa inay dejiso Qorsheyaasha Hormarinta Caafimaadka Bulshada iyo sidoo kale muhiimadaha wakaaladaha iyo ururada, barnaamijyada iyo maalgashiyada. Waxay doonaysaa iskaashato kaladuwani oo ka shaqeeya

laamaha kaladuwani oo wadaagaaya dedaal lagu dhaqan gelinaayo yoolalkaan waawayn. Waaxahaan waxaa kamid ah daryeelka caafimaadka, saraakiisha la doortay, loo shaqeeyaasha, tabarucaada, gaadiidka, isticmaalka dhulka iyo qorshaynta, caafimaadka gobalka, qabiilka iyo kan dadwaynaha ee maxaliga ah, cadaalada danbiyada iyo fulinta sharciga, ururada bulshada, ururada ku salaysan diinta, adeeg bixiyaasha guriyaynta iyo aadanaha iyo waxbarashada.



Nala samee Iskaashi

HTO waxay doonaysaa inay xariir la samayso qolyaha kale ee u taagan inay hormariyaan sinaanta ka jirta Oregon. Si aad u hesho xog dheeraad ah ama nagalasoo xariir:

 WEBSSETKA healthiertogetheroregon.org	 IIMEELKA publichealth.policy@state.or.us
 NOQO ISKAASHADE healthiertogetheroregon.org/potential-partner	 YOUTUBE bit.ly/3jvkuAE